



Uunga:
Kristian Jeremiassen (S)
-MAANI

Akilerartarnermut atugarissaarnermullu isumalioqatigiissitaq pillugu §37 atorlu- gu apeqputinut akissuteqaat

18. mar 2011
Sagsnr. 2011-047644
Dok. Nr. 586705

Qujanaq apeqputigisarnut imatut nipeqartunut:

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

1. Akileraarut 37 %-inngortinneraluarpat nunatta karsia aammalu kommunet sisamaasut akileraarutitigut qanoq amerlatigisunik annaasaqassagaluarpap?
2. Inummut ilanngaap 58.000 Kr.-inngortinneqarpap nunatta karsia aammalu kommunet sisamaasut aningaasanik qanoq amerlatigisunik annaasaqassagaluarpap?
3. Nunatta karsiani aammalu kommunet karsiani akileraarutitigut isertitassat apparaluarpata aningaasat suminggaanniik matussuserneqarnissaat Naalakkersuisut takorloorpaat?
4. Naalakkersuisut avatangiisinik atuinermi akitsuutinik nutaanik atulersitsiniarpap?
5. Naalakkersuisut pilersaaruteqarpap pisuussutinut uumassusilinnut akitsuummik atuutilertitsissallutik?


Apeqputigisatit ataatsimoortillugit akissuteqarfiginiarpakka isumalioqatigiissitap isumaliutissiissutaanut innersuussillunga. Maluginiarneqassaarli taanna ullumikkut qalunaa-tuuinnaalluni saqqummersinneqarsimammat, nutserneqarnerali takkutissaaq. Naatsor-suutigineqarpoq kalaallisuaa aprilip ingerlanerani piareersimassasoq. Akilerartarnermut Atugarissaarnermullu Isumalioqatigiissitaq isumaliutissiissummini ataatsimoortunik siunnersuuteqarpoq, ukiorpasuarli tulluuttuni atugarissaarluta inuiaqateqatigiitsinnik aningaasalersuisussanik. Saqqummiussaq unaavoq, toqqarsinnaagippup eqeersimaartumik ilatsiinnartumilluunniit periuseqarnissarput. Periutsit tamarmik arlalinnik siunnersuutitaqarput, ataqatigiissillugit isigineqartussanik.

Isumalioqatigiissitamit kaammattuutigineqarpoq eqeersimaartumik periuseqarnissaaq. Naalakkersuisut kaammattuutit immikkoortortaanut ataasiakkaanut isummernikuunngilat. Qularutissaanngilarli, atugarissaarlutik inuiaqatigiit siunissamut qulakkeerutissagut-sigit, aqqqissuussaanerit arlallit akilerartarnermut, ineqarnermut, ilinniartitaanermut, isumaginninnermut aamma inuussutissarsiornermut tunngasut allangortittariaqarivut.

Suliniutissatullu siunnersuutigineqartut tamarmik ataqatigiimmata, immikkoortuini ataa-siakkaani pitsaanersuisoqarsinnaanngilaq. Tamanna aamma aningaasalersuinertaanut atuuppoq. Matumani apeqqutaanngilaq akilerartarnermi procenti appasinnerusoq imaluunniit pisuussutinut akitsuut qaffasinnerusoq, kisiannili aamma akilerartarnermi toq-qammaviusup annertusisinneqarnissaa ineqarnermullu tapiissuteqartarnerit atorunnaar-sinneqarnissaat.

Naalackersuisut isumaliutissiissut atuarsimavaat qilanaaralugulu illuatungiliuttunit soqutiginittunillu allanik pitsaasumik oqallisiginninnissaq, kikkut tamarmik periarfissaqarsimaleriapata atortussanut annertuunut paasisaqarluarnissamut. Oqallinneq taanna tungavigalugu Naalackersuisunit isummerfigissavarput qanoq iliussamaarnerluta. Naalackersuisulli siamasissumik tapersorsorneqarnissaq ujartorusuppaat tamakkiisumik piffissamut sivisuusumut pilersaaruteqarnissaminni. Isummersimassaagulli, kaammattuutinit atortuulersitsiniarneq ukiunik arlalinnik sivissuseqassasoq.

Inussiarnersumik inuulluaqqusillunga


Maliina Abelsen